

Танловга: Пайғамбаримга муҳаббат

15:45 / 19.04.2017 3234

Келди ҳаёлимга бир ажиб ҳикоят,

Қилган эди уни Ваҳб2 ривоят.

Бани Исроилда бир осий бор эди:

Юз йил исён қилди, жуда зулмкор эди.

Умри тугаб, жонин Ҳаққа топширди,

Денгиз кўпигидан гуноҳларин оширди.

Қавм деди: “Бу осийни кўймоқ- айбдир,

Бунга жаноза, кафан ҳам ҳайфдир”.

Улоқтирдилар кимсасиз ахлатхонага,

Бормадилар ҳолин сўраб мотамхонага.

Аллоҳ туширди дарҳол Мусога ваҳий

Қавминг ундоқ қилмасинлар қилгин наҳий.

Шунда Мусо: “Ё Роббий, у зулмкор эди,

Қавмим ундан норизо”,—деди.

Аллоҳ айтди: “Унда бир маҳбуб амал бор,

Қилай ундан сен ва қавминг хабардор”.

Тавротни очиб кўрса, Муҳаммад исми

Тўларди муҳаббат ила жисми.

Ўпарди, саловот айтиб Муҳаммад исми,

Шу боис гуноҳларин кечирдим.

Номаи аъмолидан хатоларин ўчирдим.

Бани Исроилдаги осий бир уммат

Кўрсатди Пайғамбаримга олий ҳурмат.

Шул сабабдан эришди мағфиратга.

Йўл олди ҳузур ила охиратга.

Бошқа уммат вакили эришди шундоқ офиятга:

Уммат бўлатуриб эришмасак, қолурмиз уятга.

Биз ҳам кўрсатайлик у зотга эҳтиром.

Сукунат нозил бўлсин, қалблар олсин ором.

Даъво қилсангиз муҳаббати Аллоҳ

Деди каломида “Фаттабиъууний юҳибкумуллоҳ”³

Қилинг Пайғамбаримга эҳтиром, таъзим,

Мақталгандир “Иннака лаъалаа хулуқин аъзийм”⁴

* * *

Шеър муаллифи: Андижон шаҳар “Ҳазрати Билол” жоме масжид имом хатиби Ровшан Бахтиёр ўғли

2 Ваҳб ибн Мунаббих ибн Комил ибн Сийж ибн Зиин кибор. Кунyasi Абу Абдуллоҳ 34 ҳ.с, 654 м.с да Усмон розияллоҳу анҳу халифалик пайтида Санъода туғилган. Тобеинлардан. Муаррих, қадимги китоблардан хабардор, хусусан, исроилиётларни кўп ривоят қилган. Вафотида ихтилоф бор (110, 113) 114 ҳ.с, 732 м.с да в.э.

3 Оли Имрон сураси, 31-оят. Маънолар таржимаси юқорида ўтди.

4 Қалам сураси, 4-оят. Маънолар таржимаси қуйида келади.